



國家出版基金項目
NATIONAL PUBLICATION FOUNDATION

民國史料叢刊

續編
0436

孫燕京 張研 主編

經濟·概況

東三省經濟實況概要

 大象出版社

民國史料叢刊

續編
0436

孫燕京 張研 主編
經濟·概況

東三省經濟實況概要



大象出版社

連浚編著

東三省經濟實況概要

序

見兔而顧犬亡羊而補牢語雖沉痛其事抑亦不容已也頃者日本肆暴佔我遼瀋不匝月而據吾東三省過半土地吾國人於此而不蹶然奮起劍及屨及以從事於補救之謀匪特東三省淪胥以亡吾國亦將不國矣顧日本之謀我東三省也以明治發其端以大正昭和引其緒董維就學輒以我東三省之地理人文爲課本政府派駐東三省之將吏必妙選上流人才籍其政府會社團體之衆以刺探我之蘊奧陰據我之要害凡山川原隰人民物產風土習尚以及舟車所至形勢所在靡不人人習而知之揣摩而簡錄之善導而利用之積之數十年用之於一旦故能長驅直入如履堂奧也夫東三省爲遼東問題焦點所在爲世界和平戰爭之樞紐爲中日兩國盛衰存亡之所必爭吾國人之知東三省不如日本人之知之則欲東三省之長爲我有其可得乎十數年來憂時之士怵於外力侵逼之日甚觀察研究著爲專書以論東三省者無慮十數難發以來作者尤衆類皆挾發日本謀我之途徑侵略之情形以冀警惕耳目鞭策心腑影響所及厥效甚偉然於東三省之內容全體未遑及焉此蓋研究日本勢力下之東三省而已非研究整個固有之東三省也連子澠川其知東三省者矣其所著之東三省經濟實況提要一書推原歷史山川民族之變遷以次及於中國俄日勢力之消長言實業物產而詳於風土習俗之所尚言政治軍事而基於形勢條約策略之所自舉其近不忘其遠執其大不遺其細使觀其書者瞭然於內外癥結之所在恍然於補救途徑之可尋蓋所謂研究整個之東三省者也國事亟矣非從容談論之時然天下事固有淺知之不如不知之者吾黨而欲深知東三省之實況以從事於補救之謀則此書其亦壞流之一助也

中華民國二十年十一月胡漢民序於上海

序


管子曰地之不辟者非吾地也民之不收者非吾民也我國地處溫帶土地饒沃草木蕃植河流錯衍鎮山燦然徒以滿清一代政尙苟安腹地各省經理不及十之三四邊論邊陲東北一隅滿人視爲禁樹外人覬覦始有觸發遞入民國稍事經營荳麥林木輸出大宗撫順然煤東鄰視同奇實交通操自外人動輒掣肘而商人計贏猶操左券關外財政關內弗如果能盡量展拓尙不止此之貞自乙丑罷官銳意實業分途程功匹夫有責乃重渡南洋擇僑民之富而有經驗者組爲華僑實業社庚午春復派社員連滄李允衡梁國材何猛黃輝五人赴東北實地調查閱四月而竣事連社員以調查所得編集成書名爲東三省經濟實況攬要都爲十四章附錄一零凡山川之沿革蘊藏之豐贍貿易之概況條約之內容挈領提綱分條析理展卷而東北之情勢可知也老馬識途可爲先導抑之貞更有進者頻年南洋各屬商業衰落失業之僑民歸國者月以千計奕奕英年均任勞苦漢而置之將爲落民今者干戈戢戢訓政首基理宜廣台投資不擇鉅細不分主客毋詐毋虞勿剪勿伐保商恤民期在實踐作始也簡成功也大政府倡之於上人民應之於下如鼓有桴播揚則繁縷而不含效當可觀語曰成功之術必有巨鑿古人豈欺我哉書成請序于余爲述其順末世之覽者豈異乎來民國十九年十二月周之貞

編者自序


東北問題之嚴重於今始漸爲國民所注意滿清之季彼清廷醇嬭之餘對於俄日之覬覦東北未遑重視漢族士夫乃亦尋常觀之初未嘗以此指畫若曰關外爲騎匪馬賊之淵藪彼滿族既不以祖宗發祥之地行見眷於異服而致榮懷則我漢人士夫雖復以此自相煩擾者是故宣統之世英美有協榮璽錦鐵路之約而國人無動於中降至辛亥革命大功告成五族共和於焉宣布然後東三省者不啻爲五族共有之東三省而非滿族所得而私嗣後東三省之興替乃成爲一國所共注意其守土疆吏內則輯安黎庶外而捍禦強梁俄日雖狡狴固仍猶有所憚降至民國四年值歐戰之方酣梟雄起帝制之夢想啓日人無理要求之機雖以華盛頓會議中我國上下一再宣言破棄協定顧仍不能盡將東縛解除商租權之二再提論乃其見識袁世凱殞後又值安福系諸人秉政高唱親日之論日人迎合其拜金之心理爰說以借款進曰吉會墊款曰滿蒙五路鑿款者其用途今尙未明而賣路營私則昭昭在人耳目至今仍存外交上之懸案亦我人民所最用疚心嗣由日人單方覬覦進而爲諸強國協調民國九年更有所謂新銀關者居然以把持一切政治實業借款爲綱領合訂了解之約然事未經年輒行拋棄是知以利合者必以利乖擬之四國又何責焉夫關內長江以南諸省人民限於山河之修阻交通之不便常人之懸想直以爲東三省者富於森林之境野而爲一般窮無復之之移民所顧及耳詎曾念及農產之豐收穫藏之富盛一切庶業之興發大有非中原所得顧顧者在平編者於十九年二月蒙華僑實業社之命東出考察歷大連遼寧長春而知日人經營之苦心觀於撫順煤礦鞍山鐵礦然後知日人所志之大觀於哈爾濱之模倣籌畫然後則然於俄人之野心方其返自濱江過大連之商埠游旅順之軍港憑弔戰場式瞻遺烈慨然而思惕然而懼悚然而悲終於奮然而起語其僞曰我國人之聰明才力不遜於人何任人之宰割一至於此今日者俄勢縱稍屈於一時而日勢則騰張迫異乎曩昔非我人臥薪嘗胆群策群力則此三省者亦惟有終膏虎口而三省人民子子孫孫終屈服於日俄大帝

國主義之下而已然國內產業之落伍固有識者所與嗟重以連年兵革未休士困於學工輟於肆商賈束手於市廛行旅交嘆於道路而謂此能致邦家之興盛夫誰將信然東北雖際關內之混戰農不輟耕士不廢讀商賈仍努力奮鬥邁進不已凡茲現象豈盡由政府之提撕誘掖乎亦由日俄人之侵略而有以激發之觀夫公主嶺之農場大連之工廠商港哈埠之市肆暨縱橫南北滿之鐵路斯可恍然矣日俄人方挾其交通政策與工商政策並進以臨我東路與南滿二線不啻我心腹之大患我人於今而向不知奮發以圖存行見日俄之勢如水益深如火益熱直至果我三省盡爲奴虜而不復能自拔彼時雖欲抗爭其可得乎編者於南返歸途中作考察實業之報告書既竟感於我內地民衆之昧於邊事實況非有以宣傳之則終將謂東北者亦猶是饕餮馬賊之淵藪耳今表而出之以爲國民告匪惟編者因是而克盡國民一份子之責卽華僑實業社對於一般華僑之宣導亦不容已也語有之曰無敵國外患者國恒亡編者不敏亦知與國人共勉矣


中華民國十九年和平紀念日連滯序於海上




哈爾濱停車場




哈爾濱市街




近 附 頭 埠 濱 爾 哈




街 市 之 濱 爾 哈




大連滿蒙物産參考館




大連中央試驗所




大連造船埠



大連滿洲物產交易所




撫順煤礦含油石片蒸餾工廠




撫順煤礦大坑之上面




一 第 (子 城 古) 掘 天 露 礦 煤 順 撫



二 第 掘 天 露 礦 煤 順 撫



煤探之機山開汽電順撫



三第（子城古）掘天窰礦煤順撫